

七十二家集

江醴陵集卷之三

梁濟陽江淹文通著

明閩漳張燮紹和纂

賦

橫吹賦

有序

驃騎公以劔卒十萬禦荆人於外郊鐵馬煩而  
人聳色綵旄耀而士銜威軍容有橫吹僕感而  
爲之賦云

北陰之竹兮百尺而不見日石磴礧而成象出

江醴陵集

卷三

沓合而爲一雲逕逕而孤去風時時而寒出木  
斂柯而攢枅草騫葉而蕭瑟故左崎嶇石硯礚  
樹崑崙水泓澄鎮雄蛟及雌虺颺獨鳴與單鷹  
白山顙赤山赭匝流沙經西極原陸窈灌莽深  
人聲絕馬迹沉寂然四顧增欷累吟雖欲止而  
不能禁此竹方可爲噐廼出天下之英音於是  
帶以珉色扣以瓊文潤如沉水華若浮雲赤赭  
紫駸星含露分其聲也則鞅鬱有意推萃不群  
迢迢衝山崎曲抱津縣纂順序周流銜呂故西

骨秦氣悲憾如懟北質燕聲酸極無已斷絕百  
意繚繞萬情吟黃烟及白草泣虜軍與漢兵於  
是海外之雲處處而秋色河中之鴈一一而學  
飛素野黯以風暮金天淩以霜威衣袂動兮霧  
入冠弓刀勁兮馬毛寒五方軍兮出不及雜色  
騎兮往來還旃如雲兮幟如星山可動兮石可  
銘功一監兮迹不奪魂旣英兮鬼亦靈奏此吹  
兮有曲和歌盡而淚續重一命而若烟知半氣  
之如燭美人戀而嬋媛壯夫去而躑躅故感魂

傷情獲賞彌倍妙器奇製見貴歷代所以韻起  
西國響流東都浮江繞泗歷楚傳吳故函夏以  
爲寶飾京關以爲戎儲至于貝冑象弭之威織  
文魚服之容鄞山錫刃耶溪銅鋒皆陸斷犀象  
水斬蛟龍載雲旗之逶迤扈屯騎之溶溶啾寥  
亮於前衡嘒陸離於後陣視眄而或近聽嘹  
嘈而遠震奏白登之二曲起關山之一引吐哀  
也則瓊瑕失綵銜樂也則鈎聖生潤採菱謝而  
自罷綠水慙而不進代能識此聲者長滅

湫而  
何公

燈賦

淮南王信自華滸命綵女兮餌丹砂而學鳳音  
紫霞沒白日沉挂明燈散玄陰顧謂小山儒士  
斯可賦乎於是泛瑟而言曰若大王之燈者銅  
華金縹錯質鏤形碧爲雲氣玉爲僊靈雙椀百  
枝艷帳充庭炤錦地之文席映繡柱之鴻筍恣  
靈脩之浩盪釋心疑而永平茲侯服之誇詡而  
處士所莫營也若庶人之燈者非珠非銀無藻  
無縛心不貴美噐窮於樸是以露泠帷幔風結

羅紈螢光別桂蛾命辭蘭秋夜如歲秋情如絲  
怨此愁抱傷此秋期必丹燈坐歎欲說忘辭至  
夫霜封園橘冰裂池蓀雲雪無際河海方昏冬  
膏旣凝冬箭未度悄連冬心寂歷冬暮亦復朱  
燈空明但爲傷故乃知燈之爲寶信可賦也王  
遂讚善澄意歛神屈原才華宋玉英人恨不得  
與之同時結佩共紳今子凝章挺秀近出嘉賓  
吐蘅吐蕙含瓊含珉推騫雕輦以愛國之有臣  
焉

扇上綵畫賦

臨淄之雅女宋鄭之妙工織素麗於日月傳畫  
明於綵虹洛陽之伎極江南之巧窮故飾以赤  
野之玉文以紫山之金空青出峨眉之陽雌黃  
出嶠冢之陰丹石發王屋之岫碧髓挺青蛉之  
岑粉則南陽鉉澤畢則上黨松心山乃斬巖鬱  
崕路必嚙嶙嶠欽馭龍所不遠至駕鳳未之前  
尋乃雜族以爲此扇爲君翳素女與玉琴玉琴  
兮散聲素女兮弄情旻天兮舒縹暮雲兮含頰



窓中暖兮露始滴池上凝兮月又明玉琴兮珠  
徽素女兮錦衣促織兮始鳴秋蛾兮載飛識桂  
莖之就罷知蘭葉之行衰願解珮而捐玦指黃  
墟而先歸重曰碧臺寂兮無人蔓丹草與朱塵  
度俄然而一代經半景若九春命幸得爲綵扇  
兮出入玉帶與綺紳

空青賦

夫赤瓊以炤燦爲光碧石以萎蕤爲色咸見珍  
於東國並被貴於西極况空青之麗寶挺山海  
之不測其所處則峻巘層石龜穴龍壁素岸成  
雲頰砂如磧外隱青苔丹草內伏玉枝瑪瑙銅  
鈎合生磐確堅英自非索嶮覓危乘鱉履螭倦  
春厭龜斲異鐫奇能得厠於軒寓接君子之光  
儀於是寫雲圖氣學靈狀僊寶波麗水華峰豔  
山陽谷之樹崦嵫之泉鹵海之草炎州之烟銀

臺之烏穆王之馬都廣之國番禺之埜皆咫尺  
八極鏡見四荒雲煙始出日月旣張若夫邃古  
之世汗漫窈微惟此青墨所以造之至乃翠燦  
軒室蒸鬱臺殿雜蛟龍之文章發鱗鹿之炳綸  
騁神形於鐘簾舒怪物與雷電亦有曲帳畫屏  
素女綵扇錦色穿鬱綺質蔓衍點拂濃薄如隱  
如見山水萬象丹青曲變咸百溢之可珍亦千  
金而不賤雖楚之夏姬越之鹵施趙妃燕后秦  
娥吳娃溺愛靡意魂飛心離候青翳爲藻飾方

葩紅華與素儀冠衆寶而獨立信求之而無虧

蓮華賦

余有蓮華一池愛之如金宇宙之麗難息絕氣  
聊書竹素儻不滅焉

檢水陸之具品閱山海之異名珍爾秀之不定  
乃天地之精英殖東國之流詠出西極而擅名  
方翠羽而結葉比碧石而爲莖蘂金光而絕色  
藕冰折而玉清載紅蓮以吐秀披絳華以舒英  
故香氛感俗淑氣叅靈躑躅人世茵蔯祇冥青  
桂羞烈沉水慙馨於是生乎澤陂出乎江陰見

綵霞之夕照觀雕雲之晝臨旣翕艷於洲漲亦  
映曖於川潯奪夜月及熒光掩朝日與灊火出  
金沙而延曜被淥波而覃拖冠百草而絕群出  
異類之衆夥故僊聖傳圖英隱流記一爲道珍  
二爲世瑞發青蓮於王宮驗奇花於陸地若其  
江淡澤芬則照電爍日池光沼綠則明璧洞室  
曜長洲而瓊文映青崖而火質或憑天淵之清  
峭或殖疏圃之蒙密故河圻擢歌之姝江南採  
菱之女春水厲兮楫潯潏秋風駛兮舟容與著

縹菱兮出波擘。紉蓮兮映渚。迎佳人兮其燕。送  
上客兮南楚。知荷華之將晏。惜玉手之空佇。廼  
爲謠曰。秋鴈度兮芳草殘。琴柱懸兮江上寒。願  
一見兮道我意。千里遠兮長路難。若其華實各  
名。根葉異辭。旣號芙蓉。渠亦曰澤芝。麗詠楚賦。艷  
歌陳詩。非獨瑞草。爰兼上藥。味靈丹。沙氣驗。青  
霞乃可棄。劒海岫龍舉。雲夢畫臺殿。兮霞蔚圖  
灑。縞兮炳燦。永含靈於洲渚。長不絕兮川壑。

靈丘竹賦

登崎嶇之碧巘入朱宮之玲瓏臨曲江之迴盪  
望南山之葱青鬱春華於石岬艷夏彩於沙汀  
遠亘紫林秘埜近匝玉苑禁垌於是綠筠繞岫  
翠篁縣嶺參差黛色陸離紺影上謐謐而留閒  
下微微而停靖蒙朱霞之丹氣曖白日之素景  
故非英非藥非香非馥而珍跨僊草寶踰靈木  
夾池水而檀欒繞園塘而櫛蠹旣間霜而無凋  
亦中暑而增肅每冠名於華戎將檀奇於水陸



况有朝雲之館行雨之宮窓崢嶸而綠色戶踰  
蹶而臨空綺䟽蔽而停日朱簾開而留風被箔  
簾之窈蔚結篠蕩之溟濛或產鵙鵲之右或居  
露寒之東此皆金輿之所出入瑤輦之所周通

青苔賦

余鑿山楹爲室有苔焉意之所之故爲是作云  
嗟青苔之依依兮無色類而可方必居閒而就  
寂以幽意之深傷故其處石則松枯交陰泉雨  
長注絕澗俯視崩壁仰顧悲凹嶮兮唯流水而  
馳騫遂能崎屈上生班駁下布異人貴其貞精  
道士悅其迥趣咀松屑以高想捧丹經而永慕  
若其在水則鏡帶湖沼錦匝池林春塘秀色陽  
鳥好音青郊未謝兮白日照路貫千里兮綠草

深迺生水而搖蕩遂出波而沉湮假青條兮總  
翠借黃華兮舒金遊梁之客徒馬疲而不能去  
兔園之女雖蠶饑而不自禁至於修臺廣廡幽  
闔閒楹流黃以織琴瑟且鳴戶牖秘兮不可見  
履袂動兮覺人聲迺蕪階翠地繞壁點牆春禽  
悲兮蘭莖紫秋蟲吟兮蕙實黃晝遙遙而不暮  
夜永永以空長零露下兮在梧楸有美一人兮  
欷以傷若迺崩隍千仞毀冢萬年當其志力雄  
俊才圖驕堅錦衣被地鞍馬耀天淇上相送江

南採蓮妖童出鄭美女生燕而頓死豔氣於一  
旦埋玉玦於窮泉寂兮如何苔積網羅視青蘼  
之杳杳痛百代兮恨多故其所詣必感所感必  
哀哀以情起感以怨來魂慮斷絕精念徘徊者  
也彼木蘭與豫章旣中繩而獲天及薜荔與薜  
蕪又懷芬而見表至哉青苔之無用吾孰知其  
多少

金燈草賦

山華綺錯陸葉錦名金燈麗草鱗氣含英若其  
碧莖凌露玉根升霜翠葉暮媚紫榮晨光非錦  
別之可學詎瓊瑾之能方廼御秋風之獨秀值  
秋露之餘芬出萬枝而更明冠衆蘅而不群旣  
豔溢於時暮方炤麗於霜分是以移馥蘭畹徙  
色曲池軼長洲兮杜若跨幽渚兮芳籬映霞光  
而爍爍懷風氣而參差故植君玉臺生君椒室  
炎萼耀天朱英亂日永緒恨於君前不遺風霜

之蕭瑟藉綺帳與羅袿信草木之願畢

翡翠賦

彼二鳥之奇麗生金洲與炎山映銅陵之素氣  
濯碧綠之紅泉石錦質而入海雲綺色而出天  
峰岑崟而蔽日樹靜賔而臨泉霞輕重而成彩  
煙尺寸而作緒熱風翕而起濤丹氣赫而爲暑  
澍洳流之蛟龍衝汶漻之霧雨耀綠葉於冬岫  
鏡朱華於寒渚歛慧性及馴心騫頰翼與青羽  
終絕命於虞人充南琛於祕府備寶帳之光儀  
登美女之麗飾雜白玉以成文揉紫金而爲色

專妙綵於五都擅精華於八極傳貴質於竹素  
晦深聲於百億嗟乎雞鶩以稻梁致憂燕雀以  
堂構貽愁旣銜利之情近又遁害之無由今乃  
依赧火之絕垠出赤縣之絃州遠人迹而獨立  
擎天倪而爲儔竟同獲於河鴈不俱恕於海鷗  
必性命兮有當孰能合兮可求



石劔賦

海人有食石劔一名紫蘆蚌蛤類也春而發華  
有足異者戲書爲短賦

我海若之小臣具品色於滄溟旣鑪天而鑄物  
亦喻化而染靈比文豹而無恆方珠蛤而自寧  
冀湖濤之蔽迹願洲渚以淪形故其所巡左委  
羽右窮髮日照水而東昇山出波而隱沒光避  
伏而不耀智埋冥而難發何弱命之不禁遂永  
至於天闕已矣哉請去海人之仄陋充公子之

嘉客儻委身於玉盤從風雨而可惜

江醴陵集卷之四

梁濟陽江淹文通著

明閩漳張燮紹和纂

樂府

銅爵妓

武皇去金閣英威長寂寞雄劍頓無光雜佩亦  
銷鑠秋至明月圓風傷白露落清夜何湛湛孤  
燭映蘭幕撫影愴無從惟懷憂不薄瑤色行應  
罷紅芳幾爲樂徒登歌舞臺終成螻蟻郭

採菱曲

秋日心容與，涉水望碧蓮。  
紫菱亦可採，試以緩愁年。  
參差萬葉下，泛漾百流前。  
高彩隘通壑，香氛麗廣川。  
歌出櫂一作趙女曲，儻入江南絃。  
乘黿非逐俗，駕鯉乃懷仙。  
衆美信如此，無恨在一作出清泉。

齊籍田樂歌二首

永明四年籍田詔江淹造歌

迎送神升歌

羽鑾從動金駕時遊教騰義鏡樂綴前脩率先  
丹藕躬遵綠疇靈之聖之歲殷澤柔

饗神歌

瓊罕旣飾繡簋以陳方燮嘉種永毓宵民

牲出入歌

祝詳史具禮備樂薦有牲在陳有鼓在懸騰燭  
象星奔水類電郊燎夙戒駟彼乘駟以伺質明  
以佇神晏

薦豆呈毛血歌辭

時恭時祀有物有則伊我上聖實抱明德犧象  
交陳鬱尊四塞忝惟嘉穀酒惟玄默薦通蒼祇  
慶覃黎黑願靈之降祚家祐國

奏宣列之樂歌舞

殷崇配天周尊明祀瑞合汾陰慶同泰時青幕  
雲舒丹殿霞起二曜惟新五精告始于享之  
景福是履

齊鳳皇銜書伎辭

宋世有此辭齊初  
詔中書郎江淹改

皇齊啓運從瑤璣靈鳳銜書集紫微和樂旣洽  
神所依超商卷夏耀英輝永世壽昌聲華飛

詩

侍始安王石頭

緒官承盛世逢恩侍英王結劒從深景撫袖逐  
曾光暮情鬱無已流望在川陽平原忽超遠參  
差見南湘何如塞北陰雲鴻盡來翔擘鏡照愁  
色徒坐隱憂方山中如未夕無使桂葉傷

從征虜始安王道中

乘笏從帷幕仄身豫休明君子未獲宴小人亦  
自營結軒首涼野驅馬徼寒城容裔還鄉權透



迤去國旌山氣亘百里山色與雲平喬松日夜  
竦紅霞旦夕生徒慙恩厚槩空抱春施名仰願  
光威遠歲晏返柴荆

從冠軍建平王登廬山香牖峰

廣成愛神鼎淮南好丹經此山具鸞鶴往來盡  
仙靈瑤草正翕施玉樹信蔥青絳氣下縈薄白  
雲上杳冥中坐瞰蜿蜒俛伏視流星不尋遐恠  
極則知耳目驚日落長沙渚曾陰萬里生籍蘭  
素多意臨風默含情方學松栢隱羞逐市井名

幸承光寵未伏思託後旌

從建平王遊紀南城

恭承此嘉惠末官至南荆歛衽依

承一作

光采端

笏奉仁明再逢綠草合重見翠雲生江甸知禮  
富漢渚聞教清君王澹以思樹羽望楚城年積  
衣劒滅地遠宮館平錦帳終寂寞綵瑟秘音英  
丹沙信難學黃金不可成遷化每如茲安用貴  
空名流巖嶽中懷凝意方自驚願借若木景表  
照憂人情

望荆山

奉義

藝文作詔

至江漢始知楚塞長南關繞桐栢西

嶽出魯陽寒郊無留影秋日懸清光悲風撓重  
林雲霞肅川漲歲晏君如何零淚霑衣裳玉柱  
空掩露金尊坐含霜一聞苦寒奏再使豔歌傷  
步桐臺

客子畏霜雪憂至竟悠哉綺帷生網羅寶刀積  
塵埃思君出漢北鞍馬登楚臺歲綵含雲光平  
原秋色來寂聽積空意凝望信長懷蕙芬自有

美光景詎徘徊山中忽緩駕暮雲將盈階

秋至懷歸

悵然集漢北還望岷山田汙汙百重壑參差萬  
里山楚關帶秦隴荆雲冠吳煙草色歛窮水木  
葉變吳川秋至帝子降客人傷嬋娟試訪淮海  
使歸路成數千蓬驅未止極旌心徒自懸若華  
想無慰憂至定傷年

渡西塞望江上諸山

南國多異山襍樹興冬榮潺湲夕澗惡嘈嘈晨

鷗鳴石林上參錯流沫下縱橫松氣鑑青藹霞  
光鑠丹英望古一凝思留滯桂枝情結友愛遠  
岳採藥好長生當畏佳人晚秋蘭傷紫莖海外  
果可學歲暮誦仙經

赤亭渚

吳江泛丘墟饒桂復多楓水夕潮波黑日暮精  
氣紅路長寒光盡鳥鳴秋草窮瑤水雖未合珠  
霜竊過中坐識物序晏卧視歲陰空一傷千里  
極獨望淮海風遠心何所類雲邊有征鴻

渡泉嶠出諸山之頂

岑峯蔽日月左右信艱哉萬壑共馳驚百谷爭  
往來鷹隼旣厲翼蛟魚亦曝鰓崩壁迭枕卧  
石屢盤迴伏波未能鑿樓船不敢開百年積流  
水千歲生青苔行行詎半景余馬以長懷南方  
天炎火魂兮可歸來

僊陽亭

擘淚訪亭候茲地乃閩城萬古通漢使千載連  
吳兵瑤礪屢斬萃銅山鬱縱橫方水埋金甌圓

岬伏丹瓊下視雄虹照俯看綵霞明桂枝空命  
折烟氣坐自驚劒逕羞前檢岷山慙舊名伊我  
從霜露僕御復孤征楚客心命絕一願聞越聲

遊黃蘗山

長望竟何極閭雲連越邊南州饒奇怪赤縣多  
靈仙金峰各虧日銅石共臨天陽岫照鸞采陰  
谿噴龍泉殘机千代木厝翠萬古烟禽鳴丹壁  
上猿嘯青崖間秦皇慕隱淪漢武願長年皆負  
雄豪威棄劒爲名山况我葵藿志松木橫眼前

所若同遠好臨風載悠然

還故園

漢臣泣長沙楚客悲辰陽古今雖不舉茲理亦  
空傷山中信寂寥孤景吟空堂壯地三變露南  
簷再逢霜竊值寰海闢仄見圭緯昌浮雲抱山  
川遊子御故鄉遽發桃花渚適宿春風場紅草  
涵電色綠樹鑠煙光高歌係關國微歎依笙簧  
請學碧靈草終歲自芬芳

劉僕射東山集



蕭蕭雲色滋惟愛起長思喬木嘯山曲征鳥怨  
水湄共惜玉樽暮願是舊集作使光陰遲紳裳視絕  
雲銜意方此時誦飾江臯駕終從海濱詩

陸東海譙山集

杳杳長役思思來使情濃恒忌光氛度藉蕙望  
春紅青莎被海月朱華冒水松輕風暖長嶽雄  
虹赫遠峰日暮崦嵫谷參差綵雲重永願白沙  
渚遊衍遂相從丹山有琴瑟不爲憂傷容

無錫縣歷山集

愁生白露日思起秋風年竊悲杜蘅暮擘涕弔  
空山落葉下楚水別鶴噪吳田嵐氣陰不極日  
色半虧天酒至情蕭瑟憑樽還惘然一聞清琴  
奏歔泣方畱連况乃客子念直置絲竹間

外兵舅夜集

丹林一葉舊碧草從此空煙光拂夜色華舟盪  
秋風歛意悵何已極望情思中瑤瀾寂以晏若  
采能幾終暮心亦誰寄江臯桂有叢

貽袁常侍

昔我別楚水秋月麗秋天今君客吳坂春色縹  
一作媚春泉幽薰生碧草沅湘含翠烟鑠鑠霞上  
景懣懣雲外山涉江竟何望留滯空採蓮駐情  
光氣下凝怨琴瑟前珠貝性明潤蘭玉好芳堅  
不以宿昔咀懷愧期暮年

古意報袁功曹

從軍出隴北長望陰山雲涇渭各異流恩情於  
此分故人贈寶劒鏤以瑤華文一言鳳獨立再  
說鸞無群何得晨風起悠哉凌翠氛黃鵠去千

里垂涕爲報君

寄丘三公

昔我學冠劍逢君在三川何意風雨激一訣異  
東西叶菊秀空應奪蘭芳幾時堅常恐握手畢  
黯如光絕天安得明月珠擘涕寄吳山

卧疾怨別劉長史

四時煎日夜玉露催紫榮始懷未及歎春意秋  
方驚涼草散螢色衰樹斂蟬聲馮景魂且謚卧  
堂怨已生承君客江潭先愁鴻鴈鳴吳山饒離

袂楚水多別情金堅碧不滅桂華蘭有英無輟  
代上朝豈惜鏡中明但見一葉落哀恨方未平

應劉豫章別

清塵播嶠岫遠

被脩

代高行乃

厲天俗態曄明林散

才賢裂

分

堯甸

音田

於時秋永永江漢起殘烟獵獵風

剪樹颯颯露傷蓮霞出海中雲水發江上泉浸  
潘泉懷浦泛濫雲辭山洲渚一揚袂殞意元氣  
前願效卷施草春華冬復堅

燈夜和殷長史

冬盡綵葉暮金石亦懷傷  
冰鱗不能起水鳥望川梁  
客子仿永夜寂寞幽意長  
卧歇丹丘采坐失曾泉光  
結眉慘成慮銷憂非羽觴  
此心與可緩清芷在沅湘

贈鍊丹法和殷長史

琴高遊會稽靈變竟不還不還有長意長意希  
童顏身識本爛熳光曜不可攀方驗參同契金  
甕鍊神丹頓捨心知愛永卻平生歡玉牒裁可

卷珠藥不盈簞譬如明月色流采映歲寒一待  
黃冶就青芬遲孤鸞

從蕭驪騎新帝壘

鯢妖毀王度虹氣咀王猷上宰軫靈略宏威肅  
廣謀綿嶮冒戈堞乘嶠架烽樓燕兵歌越水代  
馬思吳州金箱夜一遠明月信悠悠雲色被江  
出煙光帶海浮開襟夾蒼宇拓遠局溟洲折日  
承丹谷總駕臨青丘仄待飈霧晏方從畎壑遊  
惜晚春應劉秘書

煙景抱空意蘅杜綴幽心心憂望碧葉涵影顧  
青林風光多樹色露華翻蕙陰水苔方下蔓石  
蘿日上尋霞衣已具帶仙冠不待簪徒爲多委  
鬱精魄還自臨始獲瓊歌贈一點重如金山中  
有雜桂玉瀝乃共斟

秋夕納涼奉和刑獄舅

蕭條晚秋景旻雲承景斜虛堂起青靄崦嵫生  
暮霞空居寂以欵左右自幽歌騎星謝箕尾濯  
髮慙陽阿年歇玄圃壁歲減天津波金簫哀夜



長瑤琴怨慕多四時通信黯春風日夜過楚水  
徒有蘭憂至竟如何

郊外望秋答殷博士

白露掩江臯青蒲平地蕪長夜亦何際銜思久  
踟躕企余重蘭貝清才富金瑜獨豔始東山擅  
麗終西都雲精無永滯水碧豈暫濡屬我茲景  
半賞爾若光初折脉異離群紉蕙非索居頻贈  
旣雅歌還懷諒短書

冬盡難離和丘長史

隱居深悵悵颺寒拂中闔寶禮自千里繡書果  
君是山川吐幽氣雲景抱長懷茲別亦爲遠潮  
濤變東西汀臯日慘色桂闌櫞方啼擘意誰侘  
際月涕在心垂杜蘅念無沫石蘭終不咲異總  
歲暮駕遊衍蒼山蹊

池上酬劉記室

戚戚憂可結結憂視春暮紫荷漸曲池臯蘭覆  
徑路葱蒨亘華堂葢葢雜綺樹爲此久佇立容  
易光陰度水館次文羽山葉下暝露懷賞人舊

襟悅物覽新賦惜我無雕文報章慙復素

吳中禮石佛

幻生太浮誕長思多沈疑思不慙炤詭生寧  
盡時敬承積劫下金光鑠海湄火宅歛焚炭藥  
草匝卉滋常願樂此道誦經空山坻禪心暮不  
雜寂行好無私軒騎久已訣親愛不留遲憂傷  
漫漫情靈意終不溜誓尋青蓮果永入梵庭期

採石上菖蒲

瑤琴久蕪沒金鏡廢不看  
不見空閨裏縱橫愁

思端緩步遵汀渚楊柳泛春潮電至煙流綺水  
綠桂涵丹甍酒竟一作意未悅半景方自歎每爲  
憂見及杜若豈能寬翼採石上草得以駐餘顏  
赤鯉儻可乘雲霧不復還

江醴陵集卷之五

梁濟陽江淹文通著

明閩漳張燮紹和纂

詩

禠體三十首

有序

夫楚謠漢風旣非一骨魏製晉造固亦二體譬  
猶藍朱成彩雜錯之變無窮宮商爲音靡曼之  
態不極故蛾眉詎同貌而俱動於魄芳草寧共  
氣而皆悅於魂不其然歟至於世之諸賢各滯

所迷莫不論甘而忌幸好丹而非素豈所謂通  
方廣恕好遠蕪愛者哉乃及公幹仲宣之論家  
有曲直安仁士衡之評人立矯抗况復殊於此  
者乎又貴遠賤近人之常情重耳輕目俗之恒  
蔽是以邯鄲托曲於李奇士季假論於嗣宗此  
其效也然五言之興諒非變古但關西鄴下旣  
已罕同河外江南頗爲異法故玄黃經緯之辨  
金碧浮沈之殊僕以爲亦各具選作美蕪善而  
合其已今作三十首詩斲其文體雖不足品藻淵流

唐亦無平商確云爾

古離別

遠與君別者乃至鴈門關黃雲蔽千里遊子何  
時還送君如昨日簷前露已圓不惜蕙草晚所  
悲道里寒君在天一涯妾身長別離願一見顏  
色不異瓊樹枝兔絲及水萍所寄終不移

李都尉陵從軍

樽酒送征人踟躕在親宴日暮浮雲滋握手淚  
如霰悠悠清川水嘉魴得所薦而我在萬里結

友一作髮不相見袖中有短書願寄雙飛燕

班婕妤詠扇

紈扇如團月出自機中素畫作秦王女乘鸞向  
烟霧彩色世所重雖新不代故竊愁涼風至吹  
我玉階樹君子恩未畢零落在中路

魏文帝曹丕遊宴

置酒坐飛閣逍遙臨華池神飈自遠至左右芙  
蓉披綠竹夾清水秋蘭被幽崖月出照園中冠  
珮相追隨客從南楚來爲我吹參差淵魚猶伏



清聽者未云疲高文一何綺小儒安足爲肅肅  
廣殿陰雀聲愁北林衆賓還城邑何用慰我心

陳思王曹植贈友

君王禮英賢不恤千金璧雙闕指馳道朱宮羅  
第宅從容冰井臺清池映華薄涼風盪芳氣碧  
樹先秋落朝與佳人期日夕望青閣褰裳摘明  
珠徙倚拾蕙若眷我二三子辭義麗金牕延陵  
輕寶劍季布重然諾處富不忘貧有道在葵藿

劉文學楨感遇

蒼蒼山中桂團團霜露色霜露一何緊桂枝生  
自直橘柚在南國因君爲羽翼謬蒙聖主私託  
身文墨職丹彩旣已過敢不自雕飾華月照芳  
池列坐金殿側微臣固受賜鴻恩良未測

王侍中粲懷德

伊昔值世亂秣馬辭帝京旣傷蔓草別方知秋

杜情峭函蕩

選作復

丘墟冀闕緬縱橫倚棹泛涇

渭日暮山河清蟋蟀依素

選作桑

野巖風吹枯莖

鵲鷁在幽草客子淚已零去鄉三十載幸遭天

下平賢主降嘉賞金貂服玄纓侍宴出河曲飛  
蓋遊鄴城朝露竟幾何忽如水上萍君子篤恩  
義柯葉終不傾福履旣所綏千載垂令名

稽中散康言志

曰余不師訓潛志去世塵遠想出宏域高步超  
常倫靈鳳振羽儀戢景西海濱朝食琅玕實夕  
飲玉池津處順故無累養德乃入神曠哉宇宙  
惠雲羅更四陳哲人貴識義大雅明庇身莊生  
悟無爲老氏守其真天下皆得一名實久相賓

江西南陽集 卷五  
咸池饗爰居鐘鼓或愁辛柳惠善直道孫登庶  
知人寫懷良未遠感贈以書紳

阮步兵籍詠懷

青島海上遊鸞斯蒿下飛浮沉不相宜羽翼各  
有歸飄飄可終極沆瀣安是非朝雲乘變化光  
耀世所希精衛銜木石誰能測幽微

張司空華離情

秋月映簾櫳懸光入丹墀佳人撫鳴琴清夜守  
空帷蘭徑少行迹玉臺生網絲庭樹發紅彩閨

草合碧滋延佇整綾綺萬里贈所思願垂湛露  
惠信我皎日期

滿黃岡岳述哀

青春連天機素秋馳白日美人歸重泉悽愴無  
終畢殯官已肅清松柏轉蕭瑟俯仰未能弭尋  
念非但一撫衿悼寂寞恍然若有失明月入綺  
牕髮鬢想蕙質銷憂非萱草永懷寄夢寐夢寐  
復冥冥何由覲爾形我慙北海術爾無帝女靈  
駕言出遠山徘徊泣松銘雨絕無還雲華落音

留英日月方代序寢興何時平

陸平原機羈宦

儲后降嘉命恩紀被微身明發眷桑梓永歎懷  
密親流念辭南溼銜怨別西津驅馬遵淮泗日  
夕見梁陳服義追上列矯迹厠官臣朱轡咸髦  
士長纓皆俊民契濶承華內綢繆踰歲年日暮  
聊總駕逍遙觀洛川殂歿選作徂役多拱木宿草凌  
寒烟遊子易感慨躑躅還自憐願言寄三鳥難  
思非徒然

左記室思詠史

韓公淪賣藥梅生隱市門百年信荏苒何用苦  
心魂當學衛霍將建功在河源珪組賢君貯青  
紫明主恩終軍才始達賈誼位方尊金張服貂  
冕許史乘華軒王侯貴片議公卿重一言太平  
多歡娛飛蓋東都門顧念張仲蔚蓬蒿蒲中園  
張黃門協苦雨

丹霞蔽陽景綠泉涌陰渚水鸛巢層甍山雲潤  
柱礎有弁興春節愁霖貫秋序燮燮涼葉奪辰

戾颶風舉高談翫四時索居慕儔侶青苕一作苔  
日夜黃芳蕤成宿楚歲暮百慮交無以慰延佇

劉太尉琨傷亂

皇晉遘陽九天下橫氛霧秦趙值薄蝕幽并逢  
虎據伊余荷寵靈感激狗馳騫雖無六奇術冀  
與張韓遇寧戚扣角歌桓公遭乃舉荀息冒險  
難實以忠貞故空令日月逝愧無古人度飲馬  
出城濠北望沙漠路千里何蕭條白日隱寒樹  
投袂旣憤懣撫枕懷百慮功名惜未立玄髮已



吹素時哉苟有會治亂惟冥數

盧郎申誡感交

大慶須異材廊廟非庸器英俊著世功多士濟  
斯位容顧成綢繆乃與時髦匹姻媾久不虧契  
濶豈但一逢厄旣已同處危非所恆常慕先達  
槩觀古論得失馬服爲趙將疆場得清謐信陵  
佩魏印秦兵不敢出慨無握中策徒慙素絲質  
羈旅去舊京感遇踰琴瑟自顧非杞梓勉力在  
無逸更以畏友朋濫吹乖名實

郭弘農璞遊仙

崑山多靈草海濱饒奇石偃蹇尋青雲隱淪駐  
精魄道人讀丹經方士鍊玉液朱霞入牕牖曜  
靈照空隙倣睨摘木芝潏波採水碧聊然萬里  
遊矯掌望烟客永得安期術豈愁濛汜迫

孫廷尉綽襍述

太素旣已分吹萬著形兆寂動苟有源因謂殤  
子天道喪涉千載津梁誰能了思乘扶搖翰草  
然淩風矯靜觀尺捶義理足未嘗少罔罔秋月

明憑軒詠堯老浪迹無出妍然後君子道領畧  
歸一致南山有綺皓交臂久變化傳火乃薪草  
塵塵玄思清曾申去機巧物我俱忘懷可以狎  
鷗鳥

許徵君詢自叙

張子閭內機單生蔽外像一時排冥筌泠然空  
中賞遣此弱喪情資神任獨往采藥白雲隈聊  
以肆所養丹葩曜芳蕤綠竹陰閒敞茗茗寄意  
勝不覺凌虛上曲櫺激鮮飈石室有幽響去矣

從所欲得失非外獎至哉操斤客重明固已朗  
五難既灑落超迹絕塵網

殷東陽仲文興囑

晨遊任所萃悠悠蘊真趣雲天亦遼亮時與賞  
心遇青松挺秀萼惠色出喬樹極眺清波深緬  
映石壁素瑩情無餘泮拂衣釋塵務求仁旣自  
我玄風豈外慕直置忘所宰蕭散得遺慮

謝僕射混遊覽

信矣勞物化憂襟未能整薄言遵郊衢總轡出

藝省凄凄節序高寥寥心悟永時菊耀巖阿雲  
霞冠秋嶺眷然惜良辰徘徊踐落景卷舒雖萬  
緒動復歸有靜曾是迫桑榆歲暮從所秉丹壑  
不可攀忘懷寄匠郢

陶徵君潛田居

種苗在東臯苗生滿阡陌雖有荷鋤倦濁酒聊  
自適日暮巾柴車路闇光已夕歸人望烟火稚  
子候簷隙問君亦何爲百年會有役但願桑麻  
成蠶月得紡績素心正如此開逕望三益

謝臨川靈運遊山

江海經邇迴山嶠備盈缺靈境信淹留賞心非  
徒設平明登雲峰杳與廬霍絕碧障長周流金  
潭恒澄徹洞林帶晨霞石壁映初晰乳竇旣滴  
瀝丹井復寥泝崑崙轉竒秀岑峯還相蔽赤玉  
隱瑤溪雲錦被沙汭夜聞猩猩啼朝見鼯鼠遊  
南中氣候暖朱華凌白雪幸遊建德鄉觀竒經  
禹穴身名竟誰辨圖史終磨滅且泛桂水潮映  
月遊海滢攝生貴處順將爲智者說

顏特進延之侍宴

太微凝帝宇  
瑤光正神縣  
揆日粲書史  
相都麗  
開見列漢構  
仙宮開天製  
寶殿桂棟留  
夏飈蘭  
橑停冬霰  
青林結冥濛  
丹巘被

五臣作披

蔥蒨山霽

傳卿霑池卉  
具靈變重陽  
集清氛下輦  
降玄宴  
驚望分寰遂  
矚曠盡都甸  
氣生川嶽陰  
煙滅滌  
海見中坐溢  
朱組步欄逵  
瓊弁禮登佇  
睿情樂  
闕延皇眎  
測恩躋愉逸  
汾牒情浮賤  
承榮重兼

金

李善作榮重餽兼金

巡華過盈瑱  
敢飾輿人詠  
方懸淶

水薦

謝法曹惠連贈別

昨發赤亭渚今宿浦陽汭方作雲峰異豈伊千

里別芳塵未歇席零

李善作澤

淚猶在袂

入聲

停鱸望

極浦弭棹阻風雪風雪既經時夜永起懷思汎

濫北湖遊若

李善作澤

亭南樓期點翰詠新賞開泰

瑩所疑摘芳愛氣馥拾藥憐色滋色滋畏沃若

人事亦銷鑠子衿怨勿往谷風謂輕薄共乘延

州信無慙仲路諾靈芝望三秀孤筠情所託所



託已殷勤祇是攬懷人  
今行嶢嶢外街思至海  
濱覲子春未得款聯在何辰  
雜珮雖可贈疏華  
竟無陳無陳心惜勞旅人  
豈遊遨幸及風雪霽  
青春滿江皋解纜候前侶  
還望方鬱陶烟景若  
離遠末響寄瓊瑤

王徵君微養疾

窮霜瀟湘空翠澗  
澹無滋寂歷百草  
聊歛吸鷁  
雞悲清陰往來遠  
月華散前墀鍊藥  
矚虛幌漉  
瑟卧遙帷水碧驗  
未黠金膏靈詎滿  
北渚有蘋

子蕩漭不可期，悵然山中暮。懷疴屬此詩。

袁太尉淑從駕

宮廟禮哀敬，粉邑道嚴玄。恭潔由明祀，肅駕在  
祈年。詔徒登季月，戒鳳藻行川。雲旆象漢徙宸  
綱，擬星懸朱權。麗寒渚，金鏐映秋山。羽衛藹流  
景，綠吹震沈淵。辯詩測京國，履籍鑒都鄺。昨諧  
響玉律，邑頌被丹絃。文軫薄桂海，聲教燭冰天。  
和惠頒上笏，恩渥浹下筵。幸侍觀洛後，豈慕巡  
河前。服義方無沫，展歌殊未宣。

謝光祿莊郊遊

蕭然出郊際徒樂逗江陰翠山方藹藹青浦正  
沈沈涼葉照沙嶼秋榮冒水潯風散松架險雲  
鬱石道深靜默鏡縣野四睇亂層岑氣清知鴈  
引露華識猿音雲裝信解黻煙駕可辭金始整  
丹泉術終覲紫芳心行光自容裔無使弱思侵  
鮑參軍昭戎行

豪士枉尺璧宵人重恩光狗義非爲利執羈輕  
去鄉孟冬郊祀月殺氣起嚴霜戎馬粟不煖軍

士冰爲漿晨上城皐坂磧礫皆羊腸寒陰籠白日大谷晦蒼蒼息徒稅征駕倚劒臨八荒鵠鵬不能飛玄武伏川梁鍛翮由時至感物聊自傷  
堅儒守一經未足識行藏

休上人怨別

西北秋風至楚客心悠哉日暮碧雲合佳人殊  
未來露彩方泛艷月華始徘徊寶書爲君掩瑤  
瑟詎能開相思巫山渚悵望陽雲臺膏鑪絕沈  
燎綺席生浮埃桂水日千里因之平生懷

學魏文帝

西北有浮雲繚繞華陰山惜哉時不遇入夜值  
霜寒秋風聒地起吹我至幽燕幽燕非我國窈  
窕爲誰賢少年歌且止歌聲斷客子

效阮公詩十五首

歲暮懷感傷中夕弄清琴戾戾曙風急團團明  
月陰孤雲出北山宿鳥驚東林誰謂人道廣憂  
慨自相尋寧知霜雪後獨見松竹心

十年學讀書顏華尚美好不逐世間人間雞東

郊道富貴如浮雲金玉不爲寶一旦鷓鴣鳴叢  
霜被勁草志氣多感失淚下沾懷抱

白露淹庭樹秋風吹羅衣忠信主不合辭意將  
訴誰獨坐東軒下雞鳴夜已晞總駕命賓僕遵  
路起旋歸天命誰能見人蹤信可疑

飄飄恍惚中是非安所之大道常不驗金火每  
如斯恍慨少淑貌便娟多令辭宿昔秉心誓靈  
明將見期願從丹丘駕長弄華池滋

陰陽不可知鬼神惟杳冥暫試武帝貌一見李

后靈同情淪異物有體入無形賢聖共草昧仁  
智焉足明變化未有極恍惚誰能精

若木出海外本自丹水陰群帝共上下鸞鳥相  
追尋千齡猶旦夕萬世更浮沈豈與異鄉士瑜  
瑕論淺深

夏后乘兩龍高會在帝臺榮光河雒出白雲蒼  
梧來侍御多賢聖升降有群才四時有變化盛  
明不徘徊高陽邈已遠竚立誰語哉

昔余登大梁西南望洪河時寒原野曠風急霜

露多仲冬正慘切日月少精華落葉縱橫起飛  
鳥時相過搔首廣川陰懷歸思如何常願反初  
服閒步潁水阿

宵月輝西極女主映東海佳麗多異色芬葩有  
奇采綺縞非無情光陰命誰待不與風雨變長  
共山川在人道則不然消散隨風改

少年學擊劍從師至幽州燕趙兵馬地唯見古  
時丘登城望山水平原獨悠悠寒暑有往來功  
名安可留



擾擾當途子，毀譽多埃塵。朝生與馬聞，夕死衢  
路濱。藜藿應見棄，勢位乃爲親。華屋爭結綬，朱  
門競彈巾。徒羨草木利，不愛金碧身。至德所以  
貴，河上有丈人。

華樹曜北林，芬芳空自宣。秋至白雲起，蟋蟀號  
庭前。中心有所思，虛堂獨浩然。安坐詠琴瑟，逍  
遙可永年。

假乘試行遊，北望高山岑。翩翩征鳥翼，蕭蕭松  
栢陰。感時多辛酸，覽物更傷心。性命有定理，禍

福不可禁唯見雲際鵠江海自追尋

夕雲映西山蟋蟀吟桑梓零露被百草秋風吹  
桃李君子懷苦心感慨不能止駕言遠行遊驅  
馬清河涘寒暑更進退金石有終始光色俯仰  
閒英豔難久恃

至人貴無爲裁魂守寂寥唯有馳驚士風塵在  
一朝輿馬相跨躍賓從共矜驕天道好盈缺春  
華故秋凋不知北山民商歌弄場苗